



Plata dla Ploania Antermëia Sant'Antone Abat

UNITÉ PASTORALA



Ploian: siur Paul Campej

Calonia: 0474/520012

E-mail: campei.paul@rolmail.net

Siur Paul: 380 7345533

VAL BADIA

www.unitepastorala.org

Ann A 17.05.2020 - 24.05.2020 - Sesta domënia de Pasca

n. 25

L'Anima dla dlijia é le Spirit Sant

📖 St.Ap 8, 5–8.14–17 | 1 Pire 3, 15–18 | Jan 14, 15–21

Dal Vangele do San Jan:

Te chël tëmp à Gejù dit a sù discepui: ¹⁵Sc'i m'orëis bun, se tignarëise a mi comandamënc, ¹⁶y iö periarà le Pere, y ël ves darà n'ater paraclèt, che dess restè pro os por dagnora. ¹⁷Al é le Spirit dla verité, che le monn ne po nia ciafè, deache ël ne le vëiga nia y ne le conësc nia. Os indere le conescëis, cíodich'al sta pro os y sarà te os. ¹⁸I ne ves lasciarà nia indô sciöche òrfanns, mo i vëgni indô da os. ¹⁹Ma cíamò püch tëmp, y le monn ne me vëiga nia plü; mo os m'odëis, deach'i viri y inçe os viarëis. ²⁰En chël dé conesciarëise: Iö sun te mi Pere, os sëis te mè, y iö sun te os. ²¹Chël che tol sö mi comandamënc y se tëgn a d'ëi, chël m'ò bun; a chël che m'ò bun, ti vëgnel orü bun da mi Pere, y inçe iö ti orarà bun y a chël me darai da conësce.



Atlamaziun

DLA DOMËNIA

Alleluia. Alleluia.

Chël che m'ò bun, se tëgn a mia parora. Mi Pere ti orarà bun, y nos abitarun pro d'ël. Alleluia.

📖 Letöres dla GRAN FESTA DL'ASCENSIUN DAL SIGNUR - PALSACRUSC:
St.Ap 1, 1–11 | Ef 1, 17–23 | Ebr 9, 24–28; 10, 19–23 | Mt 28, 16–20

Edema liturgica dai 17.05. ai 24.05.2020

2020	Ora	Mëssa
6ª DOMENIA 17.05 DE PASCA		
LÖNESC 18.05 s. Jan, papa	7.30	<i>dan Mëssa sona les ciampanes por 5 menüc</i> s. Mëssa + Linda Sottrovisch
MERTESC 19.05		
MERCUI 20.05	07.30	s. Mëssa ++ Iarone y Maria Erlacher + Heinrich Rubatscher
JÖBIA 21.05		
VENDRES 22.05		<i>degöna Mëssa</i>
SABEDA 23.05	18.00	s. Mëssa prefestia aniversar + Franco Milone aniversar Giovanni Clara aniversar + Milio Rubatscher + Amalia Erlacher
7ª DOMENIA 24.05 DE PASCA ASCENSIUN DE GEJU AL CIL <i>Assënza</i> <i>oferta por la dlijia</i>	9.30 10.00	Corona Gran Mëssa por la comunité fam. Eduard Winkler (rengraziamënt) fam. Pepi Dejaco families Bino Erlacher aniversar Teresa Ferdigg aniversar Florian Piazza aniversar + Sepl Moling aniversar Andreas Feichter + Alfred Winkler



Informaziuns y terminns

Dai 18 de má inant pol indô gní zelebré s.mësses te dlijia cun i fedei, mo cun tröpes prescriziuns. I orun respetè les prescriziuns, por che le virus ne pois nia indô se slarié fora:

- i jun te dlijia un al iade, se dejinfetun les mans y tignun na destanza de 1,5 mt un dal ater; le nes y la bocia é coris da na mascherina ch'i tignun vistida tratan döta la mëssa/funziun;

- tles proches él scrit dant n meter de destanza da öna na porsona al'atra, porchël se sentunse ti posé amarsciá; porsones de na medema familia pó se senté adöm y fá plëna la proca;

- da jí ala Comuniun tignunse na destanza de 1,5 m dal'atra porsona;

- ince da jí fora de dlijia stunse 1,5 m dalunc dai atri y i ne stun nia te grups sön plaza dan dlijia;

- porsones che á na temperatöra dl corp plü alta co 37,5° o che á albü contat cun porsones infetades ne pó nia jí te dlijia.


Co van pa ala Comuniun? Al e 2 porsones por proca. Al va na proca ala ota.

La pröma porsona vëgn fora, va valgügn vari zoruch, al vëgn dô la secunda, va ala comuniun y va te so post, spo va la pröma porsona ala Comunin y te so post.

Da ji te dlijia ocupeiuun les proches dainsom injö, banch por banch, cina che la dlijia é plena. Le pröm che va te proca va ite insom. I dis da laur, ocupeiuun ince les proches da sö insom injö. Scenó ne san nia cares che mess gni desinfetades.

Tla dlijia d'Antermëa ál lerch ca 45 porsones. Les mësses pó gní acompagnades dal sonn dl orghe y da n cantor, mo nia dal cor de dlijia; i libri tles proches é gnüs tuc demez y le boché dal'ega santa resta öt; do vigni mëssa o funziun vëgn la dlijia dejinfetada y al vëgn lascé ite aria frësca. La dlijia resta daverta ia por le de por l'oraziun personala de vignöna y vignun.

Chiche ne á nia lerch te dlijia, é inviá a to pert ala Mëssa defora (rondenel).



MAX. 45

NB: I aniversars che é tomà fora te chësc tëmp de virus vëgn trac ite.

Les Mësses de sopoltöra gnarà ince tignides (nia les gran festes).



CIASA DE PALSÀ SAN MARTIN - I reingraziun düc chi che ti á mené posta tratan chëstes edemes ai berbesc y ales mëdes che vir te Ciasa de Palsà. La posta é gnüda dër aprijada. Prëibel scriedi inant.

La Ciasa de Palsà lascia ince al savëi che les portes resta inant stlütës por vijitadus, mo che al é la poscibilité da tó sò contat cun i berbesc y les mëdes tres internet. Implü gnarál metü a jí tl dagní na poscibilité da se incunté te n ambiënt sigü por i berbesc y les mëdes.

Racoiüda vedli jeans – “La Spona” a Pidrô chir de vedli jeans por fa tepih. I jeans mess ester lavá y saubri. I se periun da telefoné al numer 0471 843060 dal lönesc al vëndres dales 8.00 ales 15.00 por fá fora n termin da i dé jö. I se dijun en gran dilan danfora. Le team d'La Spona.

Dí dla vita, sot al pëis dl Corona Virus te periunse por chi che s'á amaré y stënta da se romëte y por düc chi che é morc, düc chi che laora ti ospedai, tles strotöres de assistënza y de aiüt, por chi che governëia y á da tó dezijiuns por le dagní. Sostëgn chi che é rová te de gran dificultés economiches, che á pordü le post de laur y la fontana de davagn. Recordete dles families y di geniturs che á da istruí y da ciaré di mituns a ciasa. Dëidesse cun to amur y to aiüt da superé chësta crisa y no lascé sozede che la coia se desleries indô fora danü. Móstressse tü trus da pié indô ia y deuresse le cör un por l'ater ch'i portunse pro ala costruziun de to rëgn d'amur y de pesc. Amen.

Mësses a Rina:	Lönesc 19.30 Dom 8.30
Mësses a San Martin:	Dom 9.30 (radio) Dedol 19.30 Jöb 7.30 Sab 18.30 Dom 9.30

	23.05.2020	Lucia Turnaretscher
	24.05.2020	Verena Winkler
	Les mius aodanzas por le compliagn ti fajunse a Unterweger Paolo (89), Winkler Clara (88) y Flenger Anna Caterina (82). Döt le bun.	

Impressum:

Ploania Antermëia - redaziun Carlo Piazza

Comunicaziuns:

cina la jöbia sëra a carlo.piazza@hotmail.com | 0474 520044 o 3803520465

Download:

www.unitepastorala.org | www.comun.sanmartindetor.bz.it